

楊文恪公文集

楊文恪公文集卷六十

碑誌

封給事中方公墓誌銘

公葬于縣西三峯山之陽二十有二年矣其孫鄉貢進士允始狀其事謁予以追銘其墓予竊仕南科聞舊寮方君與義慷慨敢言同官有脂韋保祿者與義鄙之謂大官某須做但不男子耳後其人果至大官衆每誦其言以為口實而與義居無何亦果以論權璫遭媒孽削官貶滇南則公之季子也予於與義雖未識面恒壯其

所爲且欲求其家世而未得茲克之委復何辭  
邪公諱瑜字廷實晚號退菴以與義貴勅封  
徵仕郎南京戶科給事中配徐氏封孺人公生  
而凝重朴茂不妄笑語居常恂恂若無所能及  
遇事警發裁處決斷出人意表尤篤孝友其淡  
薄田能佐成父兄以克昌其家鄉有唐家湖歲  
收魚利不貲或謂遷吏有云水厝千石魚陂其  
人皆與千戶侯等是富給之資也在公足以兼  
而有之公曰天以此湖養一鄉之人不可得而  
獨私也不信予言父當自見其後攘奪一起嚚

訟糾紛至十餘年猶未絕人於是服公之明炳  
幾先如此家僮得病死先是堂被毆毆者懼懷  
釜求免公謂僮死實不以毆卒謝却之其又感  
泣而去人於是服公待人甚恕取予不苟如此  
年已七十命服在躬出入間巷惟徒步挾二童  
子以隨或勸乘肩輿者公曰出門相遇非年長  
於我耶我之行輩也心能安乎人於是服公之  
忠厚謙抑又如此日與親友選勝行樂暇則課  
諸孫以小學以為收心養性之本有司歲舉鄉  
飲大賓之宿惟公問一赴之至於崦嵫寢迫倦

於酹應則退處別業牢關固拒不能致矣公名  
重一方造請問候者踵相接貧乏而求濟者殆  
亦無虛日也其先廣信人四遷而至安慶之桐  
城諱法中洪武己卯鄉試任四川都司斷事諱  
懋贈監察御史公之大父父也妣許氏贈孺人  
生公兄弟五人長琳以才任訓術次玘以尚義  
授文林郎次佑天順下丑進士由御史終桂林  
知府次為公次璿中成化乙酉鄉試鄉先達章  
給事中綸好人倫多所賞識初謂方氏五子皆  
龍後如其言公卒弘治丙辰十月十三日距其

生永樂己亥十二月二十四日壽七十有八徐  
孺人有賢行先六年卒子男三長璽次舟次向  
即與義成化辛丑進士由給事中仆而復起終  
瓊州知府女一適袁傑孫男七說儒學生早卒  
翹引禮舍人見儒學生覺義官兀克耶鄉貢進  
士亢儒學生女六適吳宗堯周景濂高嶠王宥  
袁瑁徐之龍曾孫男十三竹射乞頴符萬太恩  
篆赴十一郎萱魏文幾公之葬也寔卒之明年  
十二月十九日合于徐孺人之窆銘曰方之三  
峯晉之九京矯矯五龍堂封是營維公碩彥邑

里典刑一夢千載遊此化城谷煙川竭尚有鄉  
評

封主事合州朱君墓誌銘

南京戶部郎中朱君璠聞厥考封承德郎南京  
戶部主事君之訃將奔喪乃以墓銘見托先之  
以司務姜君瀛爲道其意繼而持御史周君卿  
所爲狀以來周姜皆其鄉人也予於司務業已  
許之復有御史之序列足據如此烏庸辭主事  
君諱宣字明簡號金沙朱爲蜀之合州人曰某  
某某其曾大父大父父也母某氏生義官某洎

事君兄弟二人主事君莊重慧敏少游鄉  
誦習思致輒穎出同輩事二親孝母疾嘗剜股  
肉作糜以進與義官相友愛晚年奉之彌謹篤  
義方治生產贏金教子並行不倍而於教子尤  
拳拳焉歲時伏臘嚴祭嘗之祀賓友過從極延  
欸之情復深渭陽寒泉之念嘗為舅氏存其孤  
而立其後至於焚券以市義排難而解紛有不  
勝其書者其始志於進取既而家務分奪未竟  
其業然性嗜讀書每出入舟楫鞍馬間恒以書  
自隨善筆札工吟咏閭里間得其草書多收藏



之貌偉而氣豪鄉有鄒吉士汝愚獨竒之嘗舉以勵諸子汝愚入朝見妬杜子美有云世人皆欲殺吾意獨憐才主事君其子美之徒歟其卒以正德戊寅四月之二日壽七十有一無疾而自知觀化之期人皆異之配陶氏賢而克相先二十年卒贈安人繼某氏子男三孟郎郎中嘗督運湖省征權杭郡有能聲娶張氏封安人主事君之封陶安人之贈皆以郎中舉職推恩其妻之封亦然仲璵有幹蠱才效世父翰粟亦旌義官季珂將紹宦學於長兄補州學生女二

適某某孫男七女六主事君墓從厥先考妣之  
兆在某鄉某里之原與陶安人同羈葬以某年  
月日銘曰子孫才族將大先賢言豈我紹君平  
生負氣槩興其家正有在後彬彬殊未艾歷千  
年塚無壞

楊母曹氏墓誌銘

楊君蔓謁予曰蔓母曹尚敢淺土以風水拘而  
年月忌也今諏正德戊寅月日用畢窀穸  
之事壙中之石願徼惠焉庶後有知蔓母者則  
雖高岸爲谷深谷爲陵亦得有所恃矣予諾之

越數月持其家譜視予閱焉系出廬陵宋季有  
超武者生三子友賢友德友禮俱仕元友賢傳  
領清江友德清江文學掾友禮富州文學掾三  
人者後棄官友賢居清江樟鎮之灤上友德友  
禮並居富州之槎溪富州即豐城自漢至今爲  
縣惟元始陞爲州耳友德傳至蔓之父凡八世  
諱沂字原浙號澹菴元配高安醴溪席氏生一  
女卒繼以黃氏無出又繼則曹氏云曹世家樟  
鎮父言盛母某氏年二十三而歸歸十七年而  
孀孀三十五年而卒是爲正德乙亥十月之八

日距其生正統癸亥七月十六日春秋七十有三所生子男一即蔓字世蕃娶南庄黎氏女一即席出適高安紀口胡權孫男三勵立慎女二長適邑郭庠生夏瀚次適胡權之姪錦蔓又曰吾父之歿蔓纔踰入小學之三年而蔓姊則及笄矣在蔓則幼穉無知賴吾母之所以提携教養者甚至在吾姊則裝奩之具一唯吾母所倚辦就此而論已不勝其勞苦拮据矣又况門戶之支持宗祧之委托一身之存石責攸萃非吾母之賢卓然女中之丈夫奚以至是予曰然此

其爲賢哉淡菴墓在黃茶陵曹墓在振湖小塘  
口與長妙同兆與夫子則相望十里銘曰是爲  
節婦是爲慈母予以銘之世道有補

知府復齋湯君神道碑

弘治間有詔兩京三品以上堂官各舉所知  
時倪文毅公爲吏書舉君堪承流宣化之職舉  
予同年陳宗之洎予堪作成人材之任其後惟  
宗之得提學予以京職轉而君竟以憂去回翔  
十餘年方得雲南廣西府知府何其遲哉君領  
成化丁酉鄉薦戊戌試春官中乙科限年例嚴

不得辭訓導安福辛丑丁外艱甲辰服闋除欽  
江府學丁未遭祖喪承重庚戌服闋除宿州學  
凡訓導九載轉南京吏部司務癸亥丁內艱乙  
丑服闋除南京大理寺凡司務九載轉南京刑  
部四川司員外郎己巳轉本部山東司署郎中  
未幾有雲南之命此其歷官也君爲校官于  
安福取脫穎之士而激勵之每試題必自爲之  
欲知其難易甫落筆諸生競傳以爲式鎮江財  
貨喉襟士子多分心焉恒以爲戒宿州俗朴學  
鮮師承君之爲教於其課業尤加之意兩司部

寺務堂官多得其助張莊懿公爲吏書尤殊待  
之在刑部訊讞之際必委曲以求其情不以鍛  
鍊爲尚凡事經其手不惟叅駁者少甚至獲重  
譴者亦德之無怨言可謂難矣廣西府有夷之  
地曰僂曰羅種類非一好則人惡則獸大抵皆  
然或謂宜順其情君至率繩以法有千夫長番  
志者死遺子洪方幼夷之豪某利其產殆盡諸  
豪從而瓜分之歲輸餉責洪官司莫敢誰何君  
驗產償直計地出租其不以法貸人多類此彌  
勒州十八寨夷人出沒劫剝屠戮載道君承鎮

巡檄減騶從資糧而徃直抵其寨曉以禍福衆  
皆惟汧伏地聽約束寧州土官祿俸爲合夷人  
爲盜分財忿爭夷人反戈讎寧州祿俸白諸兵  
備副使匿不以實調兵勦之君入告兵備弗聽  
出而歎曰不從吾言後將噬臍已而果取敗劒  
未幾奉 朝旨進討兵備省鼠兩端君曰何前  
日之輕進而乃今日之退縮邪可謂胥失之矣  
鎮巡復以檄君諸夷解甲宵遁此其政教也湯  
氏宋以前家于汧五世祖澤元末典教太平遭  
亂途梗流寓其地黃山典教生銘號學圃 國



初薦授定海尉學圃生彥和徙定海彥和生斌  
闊略有大節能以意氣傾鄉邑徙慈溪今為慈  
溪人斌生諱卿稱長者君之父也以君貴贈奉  
直大夫南京刑部員外郎母朱氏鄭氏皆贈宜  
人此其家世也君諱理字時中別號復齋配董  
氏封宜人子男一霖早從陳宗之受業人謂君  
有子今領鄉薦娶王都憲汝言之女女二婿庠  
生何時正俞文林孫男二兆元兆奎女二君生  
于景泰壬申七月二十五日卒正德乙亥十一  
月十八日明年十月 日葬于姜壘兌山之

傳其生卒娶葬與其後也君自幼明敏書  
過即能記憶大父奇之謂當亢宗居家孝友事  
大父如事父事繼母如所生待異母女弟尤篤  
恩義與人交外有畛域而中撤藩籬爲詩文典  
雅不務爲綺靡有復齋集藏于家君早歲已有  
名與王汝言及周少叅克敬沈僉憲德元共學  
鄉人稱爲東溪四傑君在雲南徃來諸夷巢穴  
岩洞衝冒嵐濕得風痺疾懇求謝事比至家去  
卒之期才四越月耳此其學行出處也嗚呼君  
與王周沈三人齊名而三人者皆取甲科獨君

在次榜與宗之洎予同薦而宗之顯仕予亦倖  
躡而君僅得郡太守於西南極邊之地不知造  
物者於君何如也雖然此特人事之得喪耳豈  
足以軒輊一時之士况君之所立固有出乎此  
之外者哉繫之辭曰於維湯姓以名裔氏邇而  
淵源家于汴始勝國之末宦游浙水其裔三遷  
慈溪而止昉自文學曰尉繼之國初官制未建  
頒垂佐邑有尉奉勅有詞天章奎畫尚棲屋楮  
四世至君奮于經術膠庠留都累膺清秩孰云  
溥遠一麾而出學而行之有始有卒以疾乞骸

隆焉告終夙著鄉評頡頏數公亦有薦剡聲譽  
隆隆勒茲豐碑用昭無窮

甘君太華墓誌銘

予少與甘君太華相遊處時皆總角壯兮耳予  
性遲鈍方於村學中服習時文於世故茫無所  
知而君已能輕財重義交結勝已以自切劘於  
人情物態無不通曉非予所及也其後君以不  
樂進取大隱城市比予馳逐宦途間或一歸見  
君樂有餘閒物外之適有人徒羨而不可得者  
蓋其一時定交如吳君德厚如葉君封官廷上

董每月率有期集嘗觀草廬吳文正公有富城  
醺飲賦詩序則邑有詩酒之會自勝國時固已  
然矣君與諸君得非慕前輩之風而興起者乎  
第不知執文正之筆者誰耳君有治才邑瀕江  
水當洪流浩渺所恃者防而已居民利害無大  
於此君嘗以太叅李公憲太尹劉公璲之命董  
治防役同事者固非一人而二公咸以君為能  
此雖出其緒餘然亦可類推矣惜不用於世耳  
甘為豐城舊家君諱榮六世祖孔肅有文學生  
某某生茂祖茂祖生召南為鄉之傑特召南生

恒慎君之父也娶北門孫郎中讓齋之女生君  
君娶營塘陳敷諭立粹之女子男二吳娶角溪  
徐氏繼泉井周氏是娶陳邦鄭氏女一適賢能  
坊毛夢司訓廷美之孫孫男二霖豚兒尚幼曾  
孫男蒲老女一吳夢霖俱邑庠生君生景泰癸  
酉八月二十日卒弘治丁巳 月 日先葬鄉  
之葬化二十餘年矣近有水泉之處以正德戊  
寅十一月日遷諸望夫山之原嘗聞伏石涌水  
與夫朝市之地古人所慎儀禮卜宅正在于此  
固宜其諸孤之盡心也先事是以銘請予也追

惟壽昔且嘉君有子乃序而銘之銘曰墓草幾  
宿兮新此幽宮厥土燥烈兮厥氣融融是為吾  
太華兮於焉永終

知府朱公墓誌銘

公朱氏諱繼祖字孝思別號慕菴世家高安由  
邑之高倉一徙碧雞坊再徙坡山代有聞人曾  
祖諱仲益永樂乙未進士累官刑部郎中祖諱  
子昂號北湖居士父諱正已贈兵部主事母胡  
氏贈安人公賦質醇厚一切戲謔皆不樂為而  
內極朗徹書記於心不復遺志成化甲午舉子

鄉甲辰舉于禮部策大廷以進士出身授兵部  
職方主事守山海關譏察嚴甚犯者雖權貴無  
所貸人謂國之門戶實維鎖鑰滿三載還轉  
武庫員外郎轉郎中常押配女直夷人於廣東  
至甫二日即竣事而回鎮巡留餞之不可得他  
如裁省錦衣薪隸斟定外官馬丁附齎軍冊革  
專差之擾以靜驛傳皆公所建白著之令甲  
至今者也轉雲南廣西府知府推誠撫字興水  
利立社學有養有教未嘗鄙夷其民前此叛者  
如龍俊普清諸酋長次第納款盜發竹子山奉



當道檄督兵往勦之逾月奏捷 朝廷嘉其功  
有寶鑑文綺之賚當報政之期撫巡交薦更治  
楚雄二郡皆在京師萬里外而後郡之較先郡  
為之似差易者而公處之若尤難焉故至即翕  
然稱理景東土官知府陶洪跋扈一方十數年  
如唐之藩鎮公復奉當道檄單騎而往衆皆危  
之而公飲食起居不為隄備推赤心置人腹中  
開譬逆順如數黑白洪卒伏罪其地遂平人謂  
賢於數萬甲兵居二歲即上疏致其事公撫世  
酬物不為矯亢然趨承之事素所弗欲故當其

在部為人擠排出之遠地及其在郡亦以取忤  
上官遂浩然而歸耳家居惟以教訓子孫為務  
間與親舊叙違闊陳說平生吟詩飲酒惟如也  
子寔昌初以御史在北為迎養計得乞南至家  
懇請竟不至人意謂謝事以來城府尚不欲入  
而況於都下哉其詳見予慶公壽文蓋其晚年  
喜靜如此公生正統己巳二月二十四日卒正  
德戊寅九月二十日享年七十配辛氏封安人  
光八年卒子男五夢昌寔昌憲昌寶昌寓昌御  
史之外餘並郡庠生皆競爽如御史女二長適

張愚臣幼許蘇馨孫男十誌讓詔誥震凱顏良  
丙喬文八曾孫男二重慶重魁女一公三十六  
而釋褐五十六而掛冠仕不為早涵養益深而  
設施有其具歸不為遲勞逸相半而初心無所  
違積階中憲大夫致仕後遇 覃恩進亞中大  
夫為人孝友天至恒念二親不及祿養服食必  
自貶損俸錢所入推之同氣并同宗之貧者與  
人言必傾盡雖童稚無所欺咸稱其長者所為  
詩文收拾於散逸之餘名曰雙溪存藁雙溪晚  
年號也其葬在某鄉某里之原銘曰泥封玉門

手探虎穴世無勇大安得此說忠信以為戈矛  
仁義以為郭郭俎豆雍儒別有高著明達治體  
既慎而恪雨未淋頭一丘一壑吾於墓菴銘可  
無作

恕齋孫君墓誌銘

予與君兩家締男女姻蓋予素慕名宗世德之  
遠而君亦以寒門僅僅一經之教氣味有同焉  
者宜乎不煩冰人月老之力哉然予恨未及君  
一面也君今逝矣昔顏氏家訓謂江東婚姻家  
或十數年未嘗相識唯以贈遺致其慙慙由是

言之則吾江鄉之俗復有甚焉予一日偶追憶  
君或謂墓中石尚未納亟從其家取事實乃以  
狀來出君從弟郡庠生渠所為遂按以序而為  
銘君諱琮字伯康號恕齋曾大父仲迪大父秉  
節父大經母氏某君以成童之年受學康齋吳  
聘君時已治經康齋復令熟讀朱子小學且教  
之靜坐澄心君皆悅而學焉君有進取意屬多  
病棄不復為惟以其所得教授子弟而已嘗與  
弟析產任其擇取遇荒歉輒散其儲蓄年豐待  
其自償或慮其理財之寬君惟行其志而已卒

無變焉負義氣於事惟論是非不以利害為趨  
舍其識之所及求之近小若不足要之遠大則  
固有餘矣君孫姓豐城同造聖人草廬吳文正  
公序其世譜謂恒與其族之耆俊游康齋於仲  
迪翁之卒既為文以祭之復銘其墓謂平生寡  
合而心竊奇翁則孫氏固多賢哉雖然前手登  
進士者在汴宋曰發在南宋曰褒曰伯溫發褒  
與迪功郎奇皆以能詩聞世稱三孫其仕宦在  
南唐已有倉監行琰至其隱君子鄉評有四景  
十寬之目四景乃諸派之祖十寬乃一族之望

則孫氏固多賢哉今環同造而居者皆四景之  
後而君又十寬之後云君配邑郭甘氏州守而  
實之女爲賢內助子男二長英郡庠生娶槎村  
范太尹自珍之女次宙娶苦竹游憲副太昇之  
孫女女一適邑庠生楊弼予第三子也孫男某  
女某君卒弘治辛酉十一月四日距其生景泰  
乙亥十二月一日得年纔四十有七卒之又明  
年癸亥十二月 日葬于里之大迪坑荷嶺戴  
壬履丙至是始銘銘曰爲士爲賢以陶以薰允  
矣恕齋質美而醇家庭有傳碩師有聞壽非年

校貴不爵論予追而銘道誼是敦千載路碑德  
人古墳

有明東陽張君公佐墓誌銘

君張姓輔諱公佐其字曾祖原仁以子貴贈禮  
科給事中祖福屢應勸分例得散官終不受父  
昂有隱德世家東陽其先汴人五代時有潮者  
為吳寧令遭兵亂溺城西塘中不死因名其塘  
曰托塘遂家焉今居荆浦則自君父始云君自  
幼穎悟讀書能尋繹大義至切於人倫日用者  
尤不能忘弱冠喪父哀毀中節凡殯葬必誠必



信母陳氏寢疾踰七年奉之備至每親滌溺器以驗差劇比卒哀毀如喪父殯葬纖悉務與禮合甞折梅神瓶作供靈筵未幾開花結實人以為孝心所感遇忌日以終身之喪蔬食素服哀慕不已處兄弟或以非禮見加惟引咎自責伯兄患後秘輒以手取之其相猶者為之廣譬曲喻皆感泣如初二兄繼歿厚恤其孤細大為之經紀子大輪方就學謂之曰士之窮通係乎命學之成否由乎己人顧立身何如耳古之名在天地間者未必皆享爵祿者也及登科有官以

善勉之曰作事須令後可傳述勿苟且目前隣  
里有疾救之恐後或助之醫藥之需或舁之掩  
骼之所有胡某者素敦行闔門疫死將無噍類  
君周旋其間如骨肉某之子有疑於天道君曉  
之曰天豈拘拘而為之哉若吾輩知汝父之賢  
而赴焉安知非天理之使然耶君雅敬賢士大  
夫凡有過從或相留累月行李往來資其困乏  
如是者終無倦意鄉有陳某童子師也逮白首  
執門生禮愈恭常通有無而周給之平時書卷  
不離左右考求禮意鑒觀古今成敗有所得輒

書之格言古訓動盈牆壁生天順己卯九月之  
十七日卒正德戊寅正月之一日甲戌凡一周  
配厲氏柔順貞慧子男四大輪南京工部主事  
大轍大輶太輜女一適何坊孫男四應奎應龍  
應辰應文女一君屬續語諸子曰慎勿以浮屠  
治喪既絕復蘇曰葬我當從汝祖之塋毋為陰  
陽家所惑大輪等卜某年月日以治命襄事墓  
在鄉之微塘君治生動中肯綮薪芻穀粟蔬果  
桑麻凡所以給其家者恒自充足無求於人鄉  
耆紳朱御史守忠有藻鑑每稱君才畧過人情

不用於世耳大輪自為狀介龔員外師顏徵予  
銘久之孫給事德夫復為之請曰寔期迫矣於  
是乎銘銘詩四章章六句

人之群行孝弟其最吁嗟乎君庶幾無愧求之  
古人陳仲之類送符城南富貴不釋名在兩間  
奚必官職鑿鑿君言可謂有識君有治才鬱而  
未施一丘一壑豈盡所為鄉有公評盛時所遺  
君雖不用用世有子凜然義方發軔云始匪屯  
其膏尚在於此

明故通議大夫都察院右副都御史張公

墓誌銘

公諱淳字宗厚別號載菴姓張氏廬之合肥宦族曾大父諱真童贈文林郎廣東道監察御史妣趙氏贈孺人大父諱敬仕至陝西按察司僉事贈通議大夫都察院右副都御史妣李氏封宜人贈淑人父諱鎰國子生累贈至通議大夫都察院右副都御史妣何氏累贈至淑人公生景泰甲戌自幼穎異始就外傳日記千餘言補邑庠正御史陳公選戴公珊先後督學皆器重之成化丙午領應天鄉薦丁未舉進士中其科

試政工部嘗使趙藩事竣即辭去餽遺一無所  
受弘治戊申冬授湖廣瀏陽知縣縣歲賦逾八  
萬逋者過半其弊不在小民乃糧長收受於家  
以為營私計公廉得之令耆民十數輩即其魁  
張甲黃乙家曉以禍福召至庭與之期曰若等  
姑就獄今日完賦明日即為良民於是二家盡  
輸其逋既而釋之復擇其子弟之秀為生員為  
胥吏以潛移而默化之諸糧長以二家且爾皆  
爭輸恐後矣舊俗窶人與富人忿爭輒啗野葛  
輕生以利其財公痛禁之此風頓息癸丑轉山

西道監察御史乙丑巡光祿寺人皆憚之復巡  
捕畿甸盜賊屏跡丙辰春科道官坐言事下獄  
公方差回恥不預即抗疏申救越數日科道官  
俱釋放咸謂轉圜之力公蓋有焉丁巳春奉  
勅巡視牧馬草場上疏陳侵奪諸弊兵部集議  
覆奏奉 旨皆從公言尋因不雨有 詔求言  
復疏恤刑罰恤 國體恤人言三事 溫旨答  
之戊午奉 命巡貴州都勻有王和之叛普安  
有阿保之變論者咸謂無策公至王和竟聽招  
伏謁行臺誓不復叛惟阿保隨撫隨渝盟公乃

會鎮撫三司共議剿殺竟執阿保父子謹軍務  
蕩者四降者五十九捷 奏悉歸功將校略不  
自居庚申冬江西吉安缺知府冢宰倪公岳推  
公補之吉號刁訟告詞既多奏詞不少每株連  
枝蔓動數百人經歲不決公惟取緊要訊之餘  
並不究其應得罪名各書片紙以示吏欲邀索  
無所用其計矣門無私謁以事至者並無留難  
郡牧給引錢前守有盡取者有以十之一二資  
官用者公悉付之廬陵縣凡百支應並仰給焉  
歲省民財不下數千兩先是屬縣徭役不均公



盡得其影射之弊銖稱寸量輕重不爽廬陵養  
濟院弗戒于火父之未復即天寶廢寺為之學  
校文廟之修恒所汲汲至於新郡治奉 詔建  
文忠烈祠石廢具興不勞而集宗藩祿米歲苦  
於輸或謂以折銀解省官輸為便莫有為之聽  
者公聞而喜曰此吾志也白之巡視林公俊竟  
奏為例郡中鄉賢祠如死國事御史張公洪尚  
風節狀元羅公倫輩皆舉之以入公用法平恕  
強梗者雖加撻服未嘗斃一人于挺過誤入者  
務從末出若大愆必欲治之決不貸也都御史

韓公邦問張公本林公俊御史周公進隆王公  
哲姜公實喬公恕減公鳳在江西交章薦之正  
德丙寅轉四川按察司副使備兵松潘冢宰許  
公進以非公不可故有是 命松潘地與吐番  
接番人阻截糧餉攻劫營堡素未創艾公召集  
官軍授以方略且捕且擒諸番懾服邊倉糧儲  
弊積殆甚特置循環二簿月旦望兩報委官查  
盤自是糧儲實而軍威壯道路通而西陲晏然  
矣御史俞公緇陳公威在四川交章薦之已已  
轉南京太僕寺少卿歲買備用馬料率太多為

定其價民力以紓壬申轉應天尹屬邑民窮財  
盡徵需浩攘皇甲所直春月取之已及於冬寅  
年歛之已及於卯公極力寬恤時江防告警內  
外守備欲令民間出粟以給軍餉公謂本府所  
貯廵江紙價廵倉蓆價之類此則可取若括粟  
民間升合不可一如公議先是科道部屬遇公  
差輒於兩赤縣取書人歲給傭錢不下千餘兩  
公謂官自有吏何為重困吾民禁不復與受訟  
之期月定三日鞠問之際不事鞭笞凡經剖決  
無不嘆服諸祀壇壝次第修葺府學文廟與夫

官與壽如是使數止於斯亦無遺憾但爾兄弟  
讀書修行是所望也惟諸孫尚幼未見成立耳  
疾革相等泣請後事第曰汝輩其採好言語以  
垂吾名復請益握手含笑曰無復言亦不必言  
是月十八日夜久星月交輝忽黃霧四塞而公  
端逝矣享年六十有六醜李累封至恭人贈淑  
人曾祖諱源虞衡鄭中祖諱誼鈞州知州父諱  
璵浙藩都事學行高直公嘗受業遂定可妻之  
意淑人幼敏慧都事公以小學授諸子從旁竊  
聽輒能成誦初歸張值家用恒乏輒脫簪珥以

為助於公多相道居常教子謂讀書期做好人  
非專為科舉人以為名言前公五年卒子男三  
相蔭補國子生標府學生女二婿李時鳳國子  
生湯盤府學生湯氏女暨盤俱早世孫男繼某  
某女三長適何舉人之子偉餘尚幼公平生章  
疏齋奏議若干卷公移有榜牘若干卷詩文有  
載菴集若干卷予與公為同年其章疏多見之  
類剗切公修髯火色狀貌若神為人峭直剛果  
每對客率高聲大論不為咕囁耳語歷官所至  
瀏陽以征賦難吉安以聽訟難皆名天下川貴

以番夷蹂雜難南北畿輔以凋弊強禦難亦皆  
名天下惟鄖陽其庶幾而後當流賊之為難公  
皆優為之而吉安之政尤為士論所推則其器  
量才力可想見矣相等將疏公勞績乞贈謚葬  
祭于朝預卜卒之明年庚辰六月二十九日  
窆于城南之新塋以李淑人祔復持衾憲潘公  
鏜所為狀介都御史蔣公恭來干銘義不當辭  
乃為之銘系曰嘗聞人事要亦人為人之所畀  
亦天擬之允毅張公無不可施卻窺競解刀斧  
皆宜來有先聲後有去思凡所論列於國多

裨有犯無隱實予所知韓子有云銘于好詞公  
之治命而亦在茲顧惟荒落語何能奇所不愧  
者於宗之碑

修公文集卷六十一

碑誌

中奉大夫貴州布政使司左布政使古城  
張公神道碑

正德戊寅九月甲寅貴州左布政使張公卒于  
里第其子僕以是年冬十二月乙酉既奉襄大  
事復自爲狀并以書抵南京屬廉揭諸神道之  
碑竊謂此學自宋儒大明之後浸至于今中間  
或顯或晦然顯之日恒少而晦之日恒多有志  
於斯道者可勝嘆耶近年如吾克修潛心篤志



惟日孳孳以至於老斯人豈易得哉公生有美  
質四五歲聞父母之命卽不敢違訓之故事輒  
記不忘比長耻同流俗信古好義以名節自砥  
礪初從鄉先生學見諸生簡擇經傳以資捷徑  
意謂士當兼治五經今業一經而所遺如此豈  
聖人之言亦有當去取者耶遂歸而屏絕人事  
力購諸經及宋儒諸書讀之既見大意喟然嘆  
曰道在是矣於是益自奮厲以窮理致知爲務  
體之於身驗之於心朝斯夕斯略無懈惰在庠  
序爲異已者所嫉惟教諭鄭重光爲之延譽提

學夏止軒寅常舉以勵諸生成化丁酉魁鄉薦  
辛丑登王華榜進士明年除工部營繕司主事  
管繕工司事搜訪宿弊滌而新之時左道李孜  
省致位禮部侍郎妖僧繼曉以符水進乙巳元  
旦星隕有聲詔求直言公上䟽勸親賢圖治  
修德遠邪以謝天變顯効二人之罪䟽入其黨  
爲之搢搢公過不可得踰月諷吏部尚書尹公  
旻遠貶景東通判時追逮甚急故舊無有送者  
所携圖書數卷僮僕數人而已景東處西南極  
邊其民鄙戾土官陶氏世握郡章一仍其俗公

至下令率先以孝弟忠信禮義廉耻民以事至  
庭諄諄曉諭使歸相告語有不法者亦必薄示  
其罰約無再犯陶始見公空囊且無室家謀為  
置妾不聽以銀器數事為饋一無所受已而遣  
子榮來學祭間教即能善事其父遇母忌日或  
強以酒肉即走避之夷民由是信服漸知中州  
之化地僻乏書手錄諸經葺齋舍討論其中取  
聖賢教人修身為己之要慎獨窮理改過求仁  
作為四箴書寘座右日以自勵在郡四年檄走  
豪理威楚者半之嘗讀呂榮公家傳作佛學論

孝廟御極覃恩轉肇慶同知己酉三月過家會  
妣舒恭人以水患改葬謁家廟畢即馳詣號哭  
總服䟽食寢處極旁得地以葬始之官肇慶當  
蒼梧下流頻年苦澇公相其地曰是可以隄同  
列不以爲然公獨以身任之發民就役皆不令  
而集隄綿亘跨三縣當水暴漲則乘小舟以視  
衆莫測其至嘗夜雨不止憂形於色坐以待旦  
經營勞瘁歷三載而後成復爲寶以殺衝決之  
勢民至今以公姓姓寶以公號號隄庚戌  
孝廟追念 母后欲推恩所自特遣使咨訪時

有肩叔房之親者公躬詣其地廉得其實以

聞辛亥都御史秦公紘爲總兵柳某所誣逮赴  
詔獄公爲疏曲直秦卒得白壬子進表闕下

吏部尚書王公恕素知公部見待以殊禮欲處  
以提學之職公守孟子說大人家法衆皆異之  
癸丑轉梧州知府梧州乃兩廣鎮巡開府建節  
之地諸司之受約束而至者輪蹄交錯殆無虛  
日供帳館穀不勝其繁民多四徙不樂土着公  
至凡百節損先是權鹽之利盡歸于守至是出  
之悉以佐費復推其餘修壇壝廣學舍凡不均

之從皆釐正之於是民之從者舉相率而歸矣  
暇日躬課諸生爲講說聖賢大學之道使人知  
所嗜嚮尤嚴於丁祭廟樂崩壞嘗延樂師呂應  
禎聚諸生習之至於將事之際卜牲之外微而  
茹韭皆一一徧視觀者竦然生故戊申考蹟入  
京凡贊見當路惟所刻先儒學範晦菴詩略等  
書尤謹於投刺如一時所尚細書稱謂皆耻爲  
之其見忤於人亦多坐此公外官以名在薦剡  
故得進階中憲大夫封贈父母妻室如制庚申  
轉廣西按察副使奉勅備兵府江申教令嚴

武備察奸吏擇將領次第兼舉推誠御下其教  
士以射則懸金爲的中者與之又以意創鴛鴦  
鏡偏架弩倣种世衡教射青澗及韓世忠製克  
敵弓之爲者時公於賊深求其故以所轄沿江  
山川盤結林木蒙翳或扼要害或縱斧斤以奪  
其藏伏之所又以賊恃藥弩中者必死厚募解  
藥多置挨牌重賞間諜邀截出入又以府江東  
西二賊相爲掎角而東賊慄悍尤甚遂併力於  
東數月之間斬獲甚衆由是西賊聞之亦皆自  
戢府江以寧癸亥考蹟入京有更張公法者賊

復乘時而起鎮廵以聞 詔促遷任

孝廟賓天今

上嗣位值北虜孔熾條陳便宜上之時有 旨  
下廣西取弩手及弩後上䟽進正心之說會與  
地方用事大臣不合引疾求去未 允正德改  
元轉本司按察使明年轉山東右布政使時吏  
部尚書許公進知公每遇巡撫員缺輒以公名  
上之雖 中旨屢寢而所請益力或曰非善處  
公也許公曰某賢而淹吾盡吾之職耳已已轉  
廣西左布政使三月發濟南舟中讀象山語錄



作陸學訂疑會 召馳驛還京將處以重任竟  
爲逆瑾所沮先是瑾作威福惡公不屈節求賂  
復不與常以語人希瑾意者噤布政使車某誣  
以非罪又權璫修禁鬻鈇之怨鑄兩官除兩浙  
鹽運使瑾伏誅會吏部尚書楊公一清初柄用  
欲收人望轉公河南叅政復更廣西壬申轉湖  
廣按察使癸酉轉貴州左布政使未赴輿疾歸  
第丐休楊公終不舍公覆奏病痊起用而公竟  
不出矣公深沉不露天下之人不能盡知其有  
知之信之必篤其在景東婁郎中其薦之為知

府爲副使都御史閔公珪鄧公廷瓚劉公大慶  
薦之立御史天祐薦之劉公復舉以自代數年  
家居張御史叔安范御史輅復薦之公諱吉字  
克修號翼齋古城恬窩其所更號其見稱於天  
下皆曰古城世爲餘干人曾祖諱復新祖諱逸  
安俱有潛德父諱時昊贈中憲大夫知府母舒  
氏贈恭人公事中憲公舒恭人油油翼翼丁外  
內艱哀毀踰節葬祭一稽古禮見躁急委曲承  
順嘗謂禮之大體有四其冠昏喪三者可守行  
之惟祭禮煞用斟酌其行於家最爲精當鄉里

化之居常無甚可喜可怒之事及變故之來利害之際則惟義是從無所疑憚家常飲食遇二味必徹其所御布袍雖累經澣綴弗棄也戒諸子一以節儉訓之書先小學四書而後諸經謂學者不讀五經遇事便覺窒礙至於隱年就試大爲不可以時方進取乃尔則他日事君可知矣居官三十三年在 朝僅二載兩罹貶逐久處瘴鄉皆人所不堪者蚤歲微偏於剛中年充養弘裕病且革每旦必正衣冠端坐倦則隱几假寐愛 君憂國之心老而彌篤未終前三

日聞鄰有自北還者猶力疾以詢 秉輿所在  
將瞑目不能言復牽故衣以示當易易畢而逝  
生於景泰辛未正月壬子至是享年六十有八  
矣所著述有古城集貞觀小斷若佛學論陸學  
訂疑皆是也常擇取胡敬齋居仁居業錄集之  
謂之要語公親見敬齋在嶺外與陳白沙獻章  
相往還至於論學亦不盡合配高氏訓導閱之  
女初贈恭人後以子貴加贈淑人繼王氏累封  
淑人子男四撰鄉試舉人依呂柟榜進士監察  
御史紹興知府卒旌邑庠生亦卒俱高淑人出

仇王淑人出孫男四世美世忠世良世永曾孫  
男懋謙公墓在邑白馬坂鳳凰山先葬高淑人  
至是始合僕之書曰先生與先君相處日久相  
知最深又曰先君平生所篤信者先生嗚呼吾  
克修已矣而今而後康之所以觀法而切磋者  
將何所賴耶尚忍銘尚忍不銘銘曰臺閣多官  
無地寄足兩載冬曹廿年外服洞僚之頑山嵐  
之毒雖獲暫離竟亦旋復正心誠意學所素蓄  
亦嘗治戎弓矢韞服深谷窮山靡不馳逐詞掖  
天筵伊誰講讀世事茫茫顛倒翻覆續貂以龍

抵鷁以玉河洛武夷道在簡竹他無所嗜潛誦  
疾錄剖析既精踐履彌篤嗚呼不作後生誰淑  
亦有遺文尚盈箱篋孰謂求之此非其躅

王母熊孺人墓誌銘

孺人諱讓熊姓豐城駝嶺世家父克威母楊氏  
吾長姑也孺人幼失怙恃鞠於吾母劉淑人淑  
人不以甥視之愛過於女甫笄吾祖贈侍郎素  
菴府君爲議昏歸于城西王君名祉字原極時  
其父公佑祖用行俱在堂孺人奉事尊嫜凡兩  
世皆得其懽心而王氏閨門有新婦得人之賀

蓋孺人天性聰慧識達事理於中饋之主女事  
之供皆優爲之以至賓姻往來歲時禮節鉅細  
周至內外多賴之原極少學於叔父公化大尹  
比長棄去力家中歲商于澧州繼而納側室彭  
氏且贅焉以折閱不歸者垂二十年遺一男二  
女皆孺人以育以誨女之長而嫁也資裝之具  
不類父之客于外婦之字而歸也六禮之備愈  
於翁之爲於家閭里中嘖嘖嘆美皆曰孺人婦  
人能如是豈非賢乎蓋孺人家計不豐多事紡  
績以爲贏餘可以爲難矣孺人卒正德庚午七

月二十九日生于正統壬戌七月二十一日享  
年六十有九男四長迪遇例爲掾次進次週次  
廷女三楊夏坊蔣慶邑郭陸御史時通徐其  
婿也孫男二寶寵迪蔣氏陸氏女皆孺人出餘  
並彭出孺人仁慈撫諸男無所異而週尤戀戀  
孺人蔣氏女遭家禍恒依以居有無共之如未  
嫁時陸氏女最所鍾愛年三十而卒痛悼不置  
見婿與甥輒哽咽悲不自勝頻年鬱鬱以至於  
歿歿以家多故敢于淺土迪等至是乃禮葬焉  
寔已卯十二月二十二日也墓在楊坊祖壠其



方位則午向云先是時通嘗爲狀吾嘗許爲銘  
茲迪復以請於是銘銘曰嗚呼孺人宜天所佑  
辛勤一生僅得中壽不在其身必在其後

明故鎮國將軍錦衣衛都指揮同知慎齋  
白公墓表

正德己卯十一月二十四日慎齋白公葬于本  
郡安定里之新阡先事其子詔詔持右給事中  
毛君憲所爲狀走南京徵予書其墓上之石豈  
毛君欺之乎狀鑿鑿皆實辭不獲乃按而序之  
公諱峻字崇之慎齋其號白其氏常之武進世

家高祖諱某曾祖諱思恭俱有潛德祖諱  
治教諭俱贈光祿大夫柱國太子太保刑部尚  
書高祖妣某氏曾祖妣蔣氏祖妣鄭氏繼王氏  
俱贈一品夫人考諱昂光祿大夫柱國太子大  
傅刑部尚書贈特進太保謚康敏妣蔣氏累封  
一品夫人子男三公其長也在妊七月而生幼  
多病廢學既長始涉獵書史僅通大義弱冠康  
敏公即傳以政規畫纖悉剖決無滯臧獲無少  
長皆任以事錢穀無巨細皆有所稽用是產業  
益拓不數年遂甲于里中成化癸卯輸粟授七

品散官丙午輸粟加授蘇州衛指揮使壬子輸  
粟加授浙江都司都指揮同知正德辛未寇起  
川蜀壬申霸州流賊掠江淮公皆隨征總制洪  
公提督陸公次第奏錄其勞先是康敏公嘗  
平海寇至是公并以陳夔酉授錦衣衛千戶世  
襲甲戌江西餘寇復猖獗奉命隨征乙亥授  
指揮同知管南鎮撫司事丙子授鎮國將軍都  
指揮同知凡所歷官前以黨皆空名帶銜借緣  
借緋後以功乃實授真拜云公卒正德下歷八  
月二十二日距其生天順己卯十二月二十九

日春秋五十有九配楊氏賢德相儷封夫人子  
男六長諫太學生先卒次詔鴻臚寺通事次詔  
次誠次詒俱太學生次譜孫男六僖儼仲偁儲  
份公資性警敏器局弘深粹遇事不動聲色嘗  
建祠堂於所謂朔望之叅出入之告歲時之祭  
無缺焉嘗脩譜牒於所謂繫之以姓綴之以食  
悉備焉樂與賢士大夫遊居京邸車騎日填門  
倒屣投轄率以爲常康敏公在朝珍味綺縠  
之奉歲旁午無虛月嘗豫築園池以俟懸車之  
娛臺榭花石爲東吳第一康敏公歸而樂之事

蔣夫人盡色難之養處仲都憲季司務怡怡如也諸子各授一經延明師以教之平居恂恂如書生與人交久而益敬輕財仗義赴人之急惟恐或後例得蔭敘恩以康敏公恒念孤姪垣即推與之妾媵雖盛而夫婦無間言聲樂滿前而日用無廢事人皆以爲難

上嘗賜蟒斗牛織文衣三襲并通鑑諸書人以爲榮錦衣衛官無告歸例公以蔣夫人年高乞終養詔特凡之并許馳驛人以爲異數於是手表繫之詩曰遠邇白氏居于澗瀍毘陵之墟

繼昇始遷宋季迄金幾四百年自公以上並光  
于前屈指四世贈諡赫然亦有同氣中丞巨員  
簪笏之盛可謂蟬聯公初起家曰例是援倉庾  
陳陳何惜委捐卜式輸財古亦有焉公累進秩  
提戈而前積有勞勩橫飛翩翩班超投筆足可  
差肩 恩典殊異 寵錫連綿五十而慕維堂  
有萱三䟽叩闕給傳以還雖得中壽餘福尤全  
更多諸郎徃徃象賢安定之阡是為牛眠卜吉  
于茲慶澤源源

嘉議大夫都察院右副都御史五城董公

申道碑

公諱傑字萬英別號五城登成化丁未進士出  
知沔陽州未幾左遷四川行都司都事考最轉  
知河南鈞州又考最轉刑部員外郎復轉郎中  
尋轉知保定府正德戊辰轉山東右叅政庚午  
轉河南右布政未幾轉湖廣左布政又未幾轉  
都察院右副都御史巡撫江西公在四川嘗攝  
邛州事興水利有功州民德之嘗攝松茂州事  
督糧運有法夷人畏之在鈞州豪右歛跡田里  
樂生若學校若農桑充加之意遂致時和年豐

粟有一莖五穗瓜有一蒂五實者在刑部堂  
囚山東人無冤抑刑名之學斷案簡當老吏束  
手保定滯獄千餘人奏訟數十百紙公至甫半  
月剖決殆盡其後徃徃囹圄空虛郡當孔道使  
客結軫密邇京師私書盈篋前守多不堪之  
公應接如流不茹不吐人皆敬憚號為神明他  
而練民兵積芻粟厥後霸州盜起保定獨以有  
備無恐其新郡學尤為壯固可歷久遠在山東  
嘗部京儲不忍解戶稱貸率身任之至今為累  
於家在江西僅七八月當四郊多壘晝夜經略



不遺餘力賦以漸平至是得疾遂不起則正德  
六年十二月之九日也公曾祖諱執中祖諱元  
亮咸以有德著於鄉閭父志道輸粟受仕者冠  
服贈中憲大夫保定府知府母蕭贈恭人公年  
十五遊邑庠每歲試輒居前列提學使者如天  
台陳公輩多奇之以詩經冠南畿薦入太學祭  
酒武進王公得其文大為驚異公之左遷以進  
士觀政時掌上章論經筵事與冢宰三原王公  
異同蓋王公職兼保傅 孝廟初登極聖躬嫩  
弱間以保王躬為言公之意謂大學之法以豫

為先

主上富於春秋進學不可不早皆所以納忠非  
有他也先是廢吉士鄒智進士李文祥劾論內  
閣大臣而一時鷹犬必欲為之修怨時王公每  
每主張國是恐其申救乃以朋黨并劾公以啗  
之然王公竟亦調停否則未可測也公配王封  
恭人子男三曰鍊邑庠生曰鍵曰銘女四俱適  
名家孫男九珙珩皆邑庠生曾孫男三董氏世  
居涇縣田中村之水北公享年六十有七墓在  
鄉之汪家衝鳳凰山公為人豪爽軒豁耻為泮

忍為政開誠布公不為小惠其德澤在人於鈞  
於保最深其葬祭皆出 朝命公身後以江西  
平賊功膺鑑寶織文之 賜繼以學校公議祀  
之鄉賢祠云公博學強記為詩文務有實用一  
洗月露風雲之態去鈞鈞人思之為立碑計聞  
保人皆流涕相與作佛事以追薦之予交公于  
大學及進士為同年不可謂知之不深一日鍊  
捧公門人蕭御史瑞所為狀請書神道之碑誼  
不容辭乃叙而系以詞曰

世俗之學 游談無根 公之胸中

誥賞典墳 至於為文 率尚浮誇  
質而不俚 公自成家 樞趨之獲  
戶外常滿 仕途數之 閭閻依依  
曰維董氏 世襲詩書 亦有伯兮  
黃甲與俱 堂堂乎公 如軾與轍  
有學有政 有功有烈 中書甘考  
亞活飢民 鈞保之惠 於公亦云  
八座在前 胡為不待 即其所立  
足告千載

贈文林郎河南道監察御史唐公墓表

公諱學字時敏姓唐氏世家蘭谿之篁嶼十二  
世祖堯卿在宋嘗平睦寇授成忠郎鄧州都使  
十世祖詔魁嘉熙省試調江州嘗敗金兵遜安  
南陵縣韶弟元璋趨捷過人嘗破元軍授閤門  
宣贊武翊大將軍尋死于陣元璋字良驥良瑞  
皆崇尚理學良驥創齊芳書院延同邑仁山金  
先生為子弟師良瑞嘗與仁山論詩同編濂洛  
風雅今傳于世六世祖元嘉登至元進士第教  
諭上饒轉丞仁和擢江浙省祿嘗總制金陵元  
亡死國元嘉從弟世安國初以茂才舉知嵩

縣改東流奏蠲荒稅八萬餘石

太祖嘉之賜名安民公考良哲國子生授思州  
推官治獄無寃多所平反有去後思娶何氏生  
公性質直不樂紛華或面斥人退而宿怨藏怒  
靡有一毫陶然物外於世味泊如也治家嚴諸  
子雖加冠小有失必笞之弗貸長監察御史虞  
佐以正德戊辰進士假令郟城會燕齊盜起攻  
劫郡縣公貽書謂吾家上世多以武畧忠義徇  
國家及徃徃有遺愛在民剡當賊衝汝其勉哉  
卒之虞佐果能完城堡全生靈人謂於此益見

公之家教公性孝 莖思州親操板鐻躬負土  
石務為堅固以受休寃於思州祿俸餘資悉讓  
之諸弟嘗於道上得楊氏奴所遺主母簪鈿約  
直數百金奴泣至問故即以歸之奴跣謝曰非  
長者至家必杖死婦翁太守鄭公某筮仕靖江  
令公隨任終日撻扉臨顏魯公帖人有及外事  
者謝絕勿聽其為人多類此生天順丁丑七月  
之廿三日卒正德辛未九月之一日葬甲戌正  
月之十五日墓在黃谿之西墅己卯以虞佐治  
行被命贈文林郎河南道監察御史如虞佐

官配鄭封太孺人子男五以熊豹豸鳳龍即虞  
佐為仁山之學作縣有惠而保障功持憲所至  
風稜峻整數有大建白而文是以發之豹鳳俱  
邑庠生女一適方禧孫男六汝器邑庠生汝楫  
汝舟汝梅汝玉汝璽虞佐一日以舅氏通守鄭  
公溫卿所為狀屬廉表于公墓乃叙而系以詞  
曰於維唐氏世有偉人有武有文忠君愛民至  
於二良理學之純師友仁山著述尚存數世逮  
公鬱而未信嚴以教子錫命維新何王金許浙  
儒之真二良事金廷及後曰此家嗣卓然行知尊



聞方來多賢蒸蒸如雲過者必式古直之墳

文林郎湖廣醴陵縣知縣豫齋孫公墓誌

銘

庠友孫君必華謂予曰先兄之墓於今六年矣  
墓石之書蓋有所待乃出其袖中所自為狀謬  
以見屬予素敬慕公心許銘公夫復何辭公諱  
鵬字必大號豫齋高祖諱仲明贈廣西右布政  
使曾祖諱貞國子博士封翰林編脩贈廣西右  
布政使祖諱曰良都察院右副都御史父諱績  
字密考鉅人長者汪汪千頃陂母范氏公幼而

明敏比長寺師問道殆無虛歲既而聞胡隱菴  
九龍之名而往學焉其所得有出於舉業時文  
之外者矣尋補邑庠弟子員為教諭章君廷益  
所異待先後提學如食事李公麟副使夏公寅  
皆禮貌之蓋公於課試既已不群於人而應對  
進退之間從容舒展固無寒酸之縮澁亦絕無  
貴將之怙侈其取重於人又多以此成化辛卯  
以都憲公所得 恩例謫入冑監都憲公負知  
人之明嘗作詩期公謂其入仕之途當不在  
是甲午果中順天鄉試弘治戊申授廣東番禺

知縣興學校恤閭左嘗於石龜諸處修倉積粟  
畱心荒政饑饉有備每值簿書堆几獄訟盈庭  
筆判口決殊無所滯當道屢加旌獎巡按御史  
周公南亢為知己異府異縣之事率以委之庚  
戌以外艱去任甲寅除湖廣醴陵稅糧之徵素  
費鞭朴公於催科撫字兩盡其道邑遂以易治  
名學鮮科目相陰陽觀流泉者恒病之諸士子  
亦率罪歲於是公來衆議命伐蔽洲之木決汙  
池之壅由是人人激昂青雲其後秋闈春榜  
武相接謂為適然不可也戊午謝事家居杜

門却掃者凡十五年鄉宗或以燕會相招亦未嘗往言偃之室未嘗一不工公儒雅整飭自做秀才大冠我如大衫襜如目元者起敬於游戲徵逐詡詡取下若將挽焉平生所合甚寡鄉黨朋儕常所往來指不二三屈屈沙河晏氏元猷公之後景賢甫之女稱賢內助無忝於故相之家子男三鎧輸粟授散官錫廣東新寧縣巡檢俱嫡出幼鎔側出也女二長適黃憇叅政公琬之子次適毛煥副使公松齡之子孫男四禮瀆源淮俱補邑庠弟子員女二公卒正德壬申月日距

其生正統戊午月日壽七十有五厥配之卒先  
五年距其生丁卯月日壽七十有三越公卒之  
五年合葬富城鄉四十六都相去絕數弓其地  
乃公祖母戴夫人勅葬之處云孫氏為豐城文  
獻甲門邑有狀元識俗傳公從祖侍讀公諱曰  
恭幾應之

文廟以其名類暴遂寘之第三而易以邢寬予  
嘗語公然乎公曰當讀卷

文廟以曰為日東里楊公以曰對問何以知之  
曰臣聞名于者不以日月不以山川以是知之

某之所聞如此前語蓋出好事者之口耳嗚呼  
公卿子孫豈徒熟朝廷之事習臺閣之儀其於  
故家遺事記聞詳審固自與人異也銘曰世人  
評學舉業優劣公承碩師所聞自別維身之章  
俗流於褻匪公獨謹孟分堯桀推之於政士奮  
民悅孰謂卓魯終不可埒作配賢哉齊眉望耆  
黃蘗之里同兆異穴孫氏名阡終古不滅

廣東惠州府栢菴涂公墓誌銘

公諱疇字有年別號栢菴姓涂氏豫章豐城人  
曾祖仁壽由邑東門徙故縣之劉坊坪祖志斌

由故縣復居邑城之道愛坊父秉彰贈監察御史  
御史以上皆以積善世其家母吳封孺人生  
公兄弟二人長壽旌表孝子次郎公少遊邑  
庠成化戊子江西鄉試以第四人薦錄獻其文  
戊戌登魯彥榜進士授寧波府推官丙午擢山  
東道監察御史弘治己酉奉勅稽考兩廣倉  
儲庚戌考最受父母并本身妻室勅命辛亥  
巡按南畿應天等處未幾居吳孺人憂乙卯轉  
廣東惠州府知府在寧波盡心獄事恒恐失之  
枉濫於死者未嘗不求其生立朝培養忠厚

以被入小過賣直為戒在南畿彰善懲惡率  
憲度值歲荒旱野無青草嚴督有司設法賑恤  
飢民數十輩求粟富室官以劫奪並坐之死公  
原其情薄其罪而釋出之在惠州修學校均賦  
役利弊一切罷行徃徃出沒擒其首惡勢寢衰  
息地方以寧鐵礦之利賄及上下亡命不逞如  
蠅螬腥羶之附賊殺格鬪殆無虛日公下令禁  
不以發其安民以此而沸人亦以此已未致其  
事而歸優游林下鄉曲衣冠之集耆英詩酒之  
遠信有人之徒羨而不可得者哉公生以正統



戊午十月之十七日卒以正德乙亥十二月之  
初七日其葬以辛巳八月之十七日墓在邑六  
十都葉家橋社林坎首巽巳趾乾亥其方位也  
公元配赤岡鄒氏贈孺人繼以余以聶以姜側  
室何氏子男亨益府典膳高邑庠生俱卒俱  
鄒出哀邑庠生洎交俱何出幼白襄女五林某  
丁某衣某李某其婿也孫男四鍾欽錦鏐公為  
人平易信厚不事矯亢所謂溫溫恭人維德之  
基蓋實有焉其經學純深於舉子業分外精熟  
交不甚泛有父敬之風邑人如葉君愈蘇熊君

如主事公輦仕而歸休皆治家有法者咸稱  
賢孝如出一口吉甫嘗為郡庠生由家至郡百  
二十里而遙歲月往復買舟奉糧凡所以資其  
游學之費雖至頻數靡厭倦怠一毫吉甫屢因  
棘垣與之齊名者多取高第乃長揖其師友而  
歸孺人欣然同心初不之強謂有命焉於是奉  
拳屬望則於式輦其教誨之切與所以助其勤  
苦者無所不至焉其生以正統丁卯八月十八  
日歿以正德己卯正月十一日享年七十有三  
男三長即式次備先卒次美與女二長適生員

毛秋訓導桂齡之子次適豐其孫男四名某某  
某美廣茗皆治進士業餘三孫亦世其家學孺  
人之葬以某年月日葬之所其鄉某里之原孺  
人著姓清江之小岡夫族著於豐城之荷塘銘  
曰楚北郭之配唐柳郢之母德既足以匹休人  
無分於今古

湖廣布政使司左布政使半江涂君墓誌  
銘

方伯涂君將葬其第太尹君卿夷以所自為狀  
徵予為銘念昔咸化丁酉予與君之兄卿儀君

及李君克昭三人同領鄉薦至丁未予與君暨  
克昭三人始同登甲科既而四人者一時並官  
于朝卿儀為御史君克昭洎予為給事中未  
幾克昭以都給事中卒于官後十餘年卿儀以  
按察副使致仕卒于家又十餘年君以左布政  
使致仕卒于家二三十年之間生死存亡遽爾  
隔世寧不增無窮之感乎君諱旦字卿元初號  
半江居士晚號古愚齋涂氏科第之盛仕宦之  
顯為豐城簪纓世族大父諱永載以子按察使  
諱謙貴封雲南道監察御史父諱觀號芝軒寧

國府知府毋徐氏繼毋朱氏皆贈恭人君為給事中轉左右轉都轉湖廣左叅政及轉布政使兩以右莅雲南繼以左莅湖廣其在給舍嘗疏論罷燕游屏異物減鎮守揚士類惜人才查吏役凡六事又嘗疏論儲養賢才凡三事又嘗疏論邊務整武脩廣儲蓄均勞佚明賞罰脩道路公揀選設流官選遊擊又嘗疏論正官闡制戚畹禁接獻又嘗因災異疏論謹天戒又嘗疏論納忠言誅元惡凡十事前後所言皆明達治切中事情嬰鱗觸諱無所顧人多難之嘗使

藩明以賜以鞍馬金帛辭不受奉勅查盤

川糧諸釐革宿弊居多其在湖廣永順保靖土  
官宣尉警殺訐奏連歲不鮮君召至庭折以片  
言二鬼桀皆伏辜地方以寧中官有事武當挾  
商鹽以行令有司為鬻倍以取直莫敢誰何君  
罪其請托之人歸鹽于官湖湘客戶多江右人  
有司每以重役抑之君斟酌損益人稱其平此  
其為叅政也當荆襄用兵餽餉旁午全楚省務  
紛如蝟毛調度爬梳為之有餘裕焉屬大比取  
士提調場屋綜理周密程文多出君手此其為

布政使也君入仕實歷俸給事九年叅政六年  
布政使總之僅半年甫至雲南以憂去再至以  
陞任去皆坐不暖席至湖廣未幾逆瑾以求賂  
不得內批致仕去瑾誅例當復官以無援事遂  
寢君亦不肯自明其積階至中奉大夫芝軒公  
再膺 誥命及二母氏恭人之贈並以君考最  
推恩云君狀貌豐偉資稟穎異篤于孝友當芝  
軒公家居數求便差問安侍膳處同氣怡怡如  
也為舉業文字率流墨渾厚從容法度之中與  
子鄉試邑浮薄造飛語以阻其進時已取中第

八登臨御史陵正疑而黜之癸卯復中第八  
君在場有知庶子事者詳然稱快以為得士錄  
其文以獻殆所謂青錢萬選取青紫如拾芥者  
哉所作經義論策學者爭傳以為法程善吟詠  
句多秀拔嘗與詩人鄉貢士李承箕登南嶽大  
行歐陽雲泛洞庭各有唱和積成卷軸才力殆  
相當也歸田後於負郭田間築書屋以課諸子  
典墳至老不釋手客至每以角巾見足迹不入  
公府平生所著有奏草并詩草藏于家自少工  
書札雅好蘇黃有逼真處元配汪贈孺人家世



賢行嗣有述繼配李封孺人處士淑淇之女母  
傅氏歸事朱恭人以孝聞撫江孺人所生女以  
慈著當夫之末貴與既貴內助各有其道待妾  
媵嚴而有恩其一於勤儉則天性然也生子男  
四楫林杠柱楫柱俱邑庠生女一適孫鍼侍讀  
恭齋之曾孫孫男點勲等六人女七人曾孫男  
一人君屬續正德己卯八月之六日距其生景  
泰甲戌正月之一日享年六十有六李孺人天  
順癸未十二月十四日生先四年卒是為正德  
乙亥十一月十四日享年五十有三葬邑南十

六都皇封山芝軒公墓之東相去僅百步茲爲  
之墓楫等諏以卒之又明年辛巳十一月初八  
日啓李孺人之垆而合焉嗚呼予與君垂髫同  
學蓋不徒登科筮仕之同而已意者投絳林下  
庶幾乎一觴一咏之同不謂君乃舉手謝時人  
而去君少予二歲有如予者又豈能久於人世  
邪然前所謂四人者獨僥倖在則夫執筆以識  
君之藏可復辭邪乃序而銘之銘曰

謹言在朝 善政在省 厄于權奄  
蘊未盡展 縉紳屬望 猶有不滿

鬱鬱先塋

聯岡接巘

伉儷柎焉

風藏氣煖

利其後人

以繩以衍

明故贈南京戶部郎中果菴陳公墓表

公諱燿字文政號果菴陳姓初贈南京戶部主  
事加贈南京戶部郎中世居閩之庄山坑遷大  
義鎮公祖週封監察御史父叔剛翰林侍讀侍  
讀之弟叔紹按察副使叔復贈監察御史公伯  
兄燁左布政使從弟燧按察僉事公子墀布政  
司叅議叅議再從弟逵兵部郎中二人弘治乙  
丑同甲榜一門簪笏其盛矣哉公蚤以待讀公

亮背方伯公已斲然見頸角益思經其家  
從長樂陳思懋受春秋治舉子業既而嫡母  
孺人棄養生母林安人且老方伯公出服官政  
遂罷進取念旦夕承懽膝下經紀家務節縮出  
納凡事悉有成規資用日以裕饒安人病肺喘  
視湯藥不離比卒哀毀骨立治喪一稽諸禮鄉  
有產見奪于閭右將謀以納之公公曰充而效  
之不義孰甚焉尋諭奪者俾還之有戌卒暴死  
誣及逆旅主人公為直諸部使者卒得白素以  
貲賦長于里當版籍歲十周一造每尸其事里

中稱平晚以食指日蕃遵方伯公命析產謂兄  
居官廉所取殺其半嘗構後樂亭鑿為八景以  
遲方伯公之歸築野航別墅日觴詠其中有野  
航漁唱集為鄉人所傳則其所為詩也公溫厚  
端恪見者知其為德人配葉諱正初贈安人加  
贈宜人同邑仕族祖仕晦主南海簿父克頴不  
仕母郭監察御史清夫之女宜久聰慧貞靜列  
女傳小學諸書自幼復熟曆算陰陽家說亦能  
曉解年二十于歸不及事其舅凡遇忌日必嚴  
其祭以致其哀養二姑尤謹林孺人歿哭之

滅性林安人疾革數籲天祈以身代處姑嫜  
髮無所私課男女每夜坐燈側以防其怠并自  
治女事以相其勤助夫理家恒傾資裝以佐其  
費躬淡薄以操其贏可謂賢已公卒弘治辛亥  
十一月之二十九日距其生正統戊午月日享  
年五十有四塋其里石人山之原宜人卒先  
五稔是為成化丙午八月之二十六日距其生  
正統丁巳八月日享年五十先塋周滿山之原  
後從公葬之禮以遷柩于公云子男一即叅議  
君娶黃氏贈宜人繼劉氏封宜人女二恒適永

慶林錠新遶漁浦林庭植孫男二朝銓黃出朝  
釜劉出孫女三曾孫男一叅議君一日謂子墀  
先君郎中先妣宜人幽堂有銘神道有碣皆名  
公手筆獨未有為之表者乃出同寅陸君溥所  
為狀謬以相属念昔予領鄉薦實方伯公提調  
塲屋及行古勸駕之禮設燕于薇省之堂看舉  
爵以属若前日事年來又復與叅議君宦途游  
處而叅議君復莅吾省繼方伯公之舊治予於  
陳氏如此豈得已於言乎乃按狀序其事而書  
之俾刻諸墓上以詔後之人云

有明封監察御史江浦王君墓誌銘

叅政嚴君仲周謂其姻封監察御史王君將葬而諸子已屬之狀其行復介之以干予銘辭不獲乃按狀而序之系以銘序曰君諱良字惟善號遂庵其族在東晉時盛于江左至宋有汾壑父子相繼仕寶祐間子孫世家平江元末繹駟避地居當塗之姑溪王君曾祖原五徙居江浦今為江浦人祖滿五父禎母孫氏禎嗜明心見性不立文字一學因心病即不如葷戒牲殺不羅綺於途斷川阻輒加修治凡利人之事類多



樂為嘗得遺金歸之主遠邇知名咸曰善人善  
人君生稟既厚復以家庭薰習漸染其兒溫然  
其言呐呐然其於橫逆未嘗報焉甫冠以長子  
承家復以弟喪遂棄書冊事生產作業克勤克  
儉以底饒裕尤極力為諸子延嚴師擇畏友以  
教成之故三子者長瑄知縣次瑋監察御史皆  
有聲仕途次瑋治舉業有成君嘗輸財助公廩  
仕者冠服其後以子貴受封云配宋氏封孺人  
慈惠柔順甚有相道三子暨一女其所生也女  
適田千石長子賦孫男二長明次南女三陰嗣

指軍父岳庠生嚴師泰吳宿其婿也師泰叅政  
之子與宿亦俱治舉業有成君生正統癸亥七  
月之廿四日卒正德辛巳九月 日孺人之生  
先君未浹旬為七月之二日卒則後君未匝歲  
為嘉靖壬午七月之六日是年十二月之十三  
日三子者奉君葬江浦西華山娥眉峯之陽以  
孺人附銘曰猗遂庵義舉義方兩易杉齊眉嬪  
髻仍相叅西華之支雙玉函福人之藏過者譚  
猗遂庵

有明豐城丁君希恩墓表

丁豐城沙湖簪纓世家也君諱沾字希恩號謹齋曾祖秉操以子叅政元美貴贈工部主事祖元文父質泰號尚簡翁君自幼淳厚寡默未冠受業族伯父少卿質純治毛氏經少卿書無不讀讀無不記嘗亞魁南省亦以君為可教君初志進取既而以田園之盛家務之殷兄驛丞淇從事公府一切填委皆付之君遂罷念不復為舉子業然幹蠱之暇樂與邑中事進取為舉子業者游如葉知州銘陸舉人時泰輩皆常所往來者也君為人孝友事無巨細惟父命是聽

由承順無毫髮違母張氏早喪孺慕無已時  
繼母熊氏如所生門地甲乙鄉閭而謙恭卑巽  
見強梁者輒引避之如閭閻懦夫然至急於為  
義在勇者曾未過之惜年三十又八爾使得中  
壽則亦何可量哉配夏陽熊氏孀居守節綱維  
內政如君之未亡君生成化歿已孟冬月之五  
日卒正德庚午孟春月之十有五日先葬之所  
不足以妥體魄乃庚辰季冬月之二日遷祔尚  
簡翁之塋其地在富城鄉左家陂子男四梧娶  
邑郭甘氏知府宗華之曾孫女楊娶厚郭胡氏

俱從事公府森為子壻國子生後伯父淇樞娶  
干溪陳氏女二長適荷塘黃廷濟邑庠生叅政  
瑩之之孫次適邑郭曹佩括森黃氏女嫡出梈  
樞曹氏女庶出男孫四熾燦燿 孫女二梧等  
持從伯父訓導希達狀來請書其墓上之石遂  
為書之庶幾有聞於後哉

有明廣東布政使司左布政使慈谿周公

墓誌銘

生員周木不遠千里至南都謁予曰先公之葬  
四年矣幽堂之石尚未有銘一公之墓有待耳惟

賜之公予故人也追惟曠昔誰有不  
而辭焉公諱津字文濟別號月航世為慈谿宦  
族高祖可權元典史曾祖弘國朝永樂中任  
柘城知縣有惠政載大明一統志祖塤不仕  
父鏗以公貴封監察御史母葉氏封太孺人公  
領成化庚子鄉薦登甲辰李旻榜進士學士楊  
公守陳一見奇之謂濟時才也丙午授行人  
憲副升遷嘗被詔告哀南方嚴肅禮儀至姑  
蘇巡按王御史擁蓋來迎命人撤之王深愧服  
北虜臨邊假貢獻以覘我虛實廷議推公往

諭之虜見公風神皎然詞義峻整嚙指羅拜而  
去弘治庚戌轉南京河南道監察御史掌京官  
考績每於衆好惡中允獨加察不為雷同督造  
四十八衛軍冊盡得奸弊而釐革之監龍江瓦  
屑二樵務中貴石計嚙之不可得守備巨璫蔣  
琮欲求一見無由致之一日治具蕭寺托公同  
僚相邀公及門始知即策馬而返閣老仁公濬  
與冢宰王公恕素不相能嗾人訐之公飛章劾  
丘謂其以博物洽聞之儒臣處經綸密勿之重  
地芝休休有容之量為妨賢病國之徒本之則

無爲用彼相時言路劾丘者衆而公所論辭若  
緩而義愈嚴疏入舉朝避之甲寅奉勅清戎  
山東尺籍無隱漏建白利害凡十事無不切當  
復兼制省卷磨勘有法方伯而下皆敬服之謂  
此壯年之老成者戊午丁外艱庚申服闋轉九  
江知府平易近民以通上下之情為之寬徭薄  
賦洗冤澤物汲汲如不及郡當要衝使舟如織  
公以連歲兵荒一切館穀夫皂悉損其半  
王喪柩過郡舳艫數百艘蔽江而下州縣人夫  
遭舟人索錢之虐落水并飢餓死者無筭公編



成甲令其互相救援無一失所者內侍戴姓者  
尤暴悍亦歛戢無擾公之得民心其事多類此  
在郡凡九月巡按御史周公進隆以瑞州盜起  
劫質守令 奏公更任郡民聞之皆赴 闕乞  
畱不 允公行老稚攀送哭聲震野至瑞州耶  
䟽蠲逋賦與民更始先是上司凡盜起必責捕  
盜官緣此畏罪不以聞釀成大患公上書巡視  
都御史林公俊謂寬巡捕之罰重獲盜之賞盜  
乃可彌謂漢光漢時郡國多盜聽其自相斬獲  
以除其罪吏追遙回避者勿問惟以擒討為效

此策今正宜用林公從之其後賊首王武果擒  
其黨劉洪等若干人林公深加賞歎久之訛言  
賊將劫獄一日報三四至官吏士民奔竄一空  
獨公與捕盜通判甘文紹堅守不去號召民兵  
以為捍禦且遣卒入獄防變文紹家僮倡殺死  
囚四十七人時有衙公者遂加羅織文紹亦因  
以歸罪於公坐是繫獄兩易寒暑自以身為正  
官宜獨任之無一語一墨以及文紹瑞民擊  
登聞鼓訟冤事下兵部司馬劉公大夏覆奏得  
旨還公原職公再至瑞地方無虞良善得所巡

按御史臧公鳳特旌異之分守王叅政治缺深  
刻公執不從曰先儒有云殺人以媚人吾不為  
也王卒不得逞亡何逆瑾用事與正人為讐二  
次罰米輸邊不下八百石計無所出瑞民爭先  
代輸後以積俸及鬻產償之已已轉江西左叅  
政分守湖西并嶺北二道嶺北以盜湖西以訟  
為諸道最盡心竭力撲滅爬梳二者寢亦衰息  
庚午轉雲南按察使辨釋冤獄旌別屬吏振肅  
紀綱鎮守崔某軍卒殺人至死必置之法總兵  
沐公下人有犯未嘗少貸沐公亦雅重公片紙

呼必令如期而至土官那代兇殘嗜殺白骨  
盈壑公為鎮巡畫策即擒縛以來竟亦服辜  
申轉雲南右布政使滇濫為患隨濬隨塞蓋源  
廣末狹理所必至鎮巡屬公治之公謂必鑿漢  
廠諸壑始保百年無事乃徙其居民而鑿之復  
開子河以殺其勢滇於是乎既遁以至于今甲  
戌轉貴州左布政使未及行改廣東尋丁內艱  
去公之卒則丙子七月之廿一日也未卒前月  
有紅光自空夜墜于庭哲人之終固如是哉公  
生天順丁丑十二月之三日享年六十配同邑

陳氏封孺人曾祖長史某祭酒公敬宗之從兄  
祖教授某子男一才娶食事沈公元之女女一  
適監生楊元孫布政使楊公子器之子孫男五  
玄仁玄亨玄義玄貞玄德公孝友天至持御史  
公喪恒廬于墓間歸問安太孺人則寢于靈几  
之傍太孺人疾革深夜焚香告天求以身代二  
弟俱蚤世語及必泣然淚下曰吾弟無子天何  
不死我而存吾弟為之立後嫁其孤女而二弟  
婦之守節亦為之維持其家焉公去瑞州士民  
為之立生祠在雲南人謂之神明所著有月航

集東巡橐朝廷方欲用公而竟不待矣識者謂  
世道之不幸也木告予曰先公歷任行事於家  
庭並無所及不肖孤輒有請問亦終不言今得  
之詢訪十不一二惟治滇簿曆可攷上林公書  
遺草幸存瑞州之政稍見於學校請立生祠之  
文及生員朱夢昌所錄遺事不從蔣琮之招得  
之副使張公昺張公復嘗贊先公之像如曰煦  
若春日凜若秋霜惟正己以格物不茹柔而吐  
剛皆實錄也木之言如此嘗聞史遷傳留侯得  
之畫工傳荊軻得之夏無且公之事已不勝其

書按此足矣獨愧予文不迂耳公祔葬御史公  
之塋域太孺人洎二弟皆先祔地在邑高平里  
報德山庶幾族葬之法銘曰西漢循吏兼彼龔  
黃東都名節介乎秦滂顯允周公匪伊孰當人  
亦有言春日秋霜生世非短垂後者長我最願  
迹用識其藏

楊文恪公文集卷六十二

碑誌

塘頭洲碑表

嗚呼我宜齋府君之葬于此也百有餘禩矣府君諱義字德義私謚宜齋楊氏世爲豫章豐城人其遷徙之詳見諸譜牒諱從舜號好古諱名人其遷徙之詳見諸譜牒諱從舜號好古諱名無號遁翁大父父也遁翁當元季國初隱居教授母張氏孺人性嚴厲內政肅然生府君兄弟五人仁義禮智信遁翁以註誤謫戍遼陽盡鬻其產與鄉之萬田生羅允正孫孟端等具見



洪武中黃冊于時闔門隨行未幾父傳而兄仁  
代役又未幾府君代役至永樂改元父子兄弟  
遇例放還唯弟信在役府君辛勤來歸庶事草  
創甫成家而父卒繼而府君卒年纔四十有六  
寔永樂丙申六月之十二日其生洪武辛亥六  
月二十六日配同邑徐氏孺人隱士致中之女  
後府君三十六年卒年八十有一子男一諱位  
字行素以字行贈南京禮部尚書娶李氏贈夫  
人孫男一諱崇湖廣永州知府贈南京禮部尚  
書娶劉氏贈夫人女三人曾孫男五人曠例授

散官廉南京禮部尚書康南陵知縣麻國子生  
席早卒文三人玄孫男十一人數永康知縣致  
眉州知州數政俱邑庠生致國子生致政俱邑  
庠生牧斐教某女六人雲孫八人府君謝世之  
蚤送終惟一子徐孺人則見孫及曾矣廉之生  
也嘗咳而名之謂家人曰其善視之然則於府  
君之修身刑家以至孝友忠上之事果何所考  
耶自府君赴遼惟所謂遁翁鬻產具黃冊者廉  
嘗莅後湖版圖乃得見之此外記兒輩時見家  
藏一二兵器老婢謂相傳府君在遼所執以敵

王所懷者其隨父代兄役皆出於天倫之至情  
父母止之必泣以請至得命乃已為人醇厚質  
直廉之得於見聞僅僅如此嗚呼不誣則有之  
不明之罪何所逃耶徐孺人勤儉起家孝慈出  
于天性網維內外爲文中丈夫詳見叅政徐公  
正所爲墓誌暨教諭杜公叔宣所爲事狀府君  
葬茲地乃登仙鄉一都小橋塘頭洲之原徐孺  
人祔葬張孺人墓乃折桂鄉三十二都中谿橋  
鷄子岡之原嗚呼廉於此吁而潛哀之爲子孫  
著庶興起其本原之念哉

大理府同知嘉定彭君墓表

縉翁彭君謂予曰先君之葬三十有三年矣墓  
上石猶缺焉未書繼而以狀相屬哀戚之容可  
掬予亦爲之愴然乃按次序之君諱鏡初字孔  
彰後易德昭別號龍山道人其先楚之麻城人  
始祖諱啓宗遷蜀定居嘉定曾大父諱紹輕大  
父諱惠父諱伏緣母曹氏繼燕氏尚氏君領景  
泰庚午鄉薦三試南省俱報罷既而懲歿未塲  
屋火且欲得祿以爲養乃就胄監資格釋褐通  
判池陽職掌稅糧凡其施設有出於催科之外

者民多德之厲志以居官三事為主丁母魯氏  
憂即日解官奔喪或云三峡秋漲宜少需君不  
聽布帆竟無恙服闋通判漢中值民饑時余竊  
敏公爲巡撫以君爲才凡賑恤之事一以撥君  
有奸人稱張都御史糾衆爲亂所過受詞密捕  
得之餘黨驚散有盜剃髮詐爲僧巾痕隱隱有  
挾妖書以惑衆並廉得之以置之法丁母燕氏  
憂服闋通判平涼民饑艱食視昔漢中尤甚公  
私掃地赤立僅有藩封祿米預儲民間者借  
以俵散有謂宗室固不急此然乘時糴之可邀

善價今如此則怨君矣君不聽未幾田鼠食禾  
糲市有虎輒傷人定爲賞格使人捕之乃患滿  
九載進二級同知大理所隸多土官舊俗謁見  
有儀陰襲有饋雖知取予者亦多因仍君一切  
峻却之時見素林公爲憲副最惡賍吏特禮重  
君滇氓尚鬼公所至必毀淫祠海上有獵神頗  
著靈異君以公命竟往毀之方航海高浪如屋  
從者膽落君獨無所怖已而風止水靜卒事而  
還歲旱禱雨輒應雨足禱霽亦輒應異教有名  
能驅霆喝風駕雨爲人所信何者屏之弗用崇

重學校作興人才尤加之意弘治庚戌五月二十八日以疾卒于官享年六十有三卒後或將公帑不清爲言僉憲李君輒按部考驗得其正數外羨餘百金封識如故乃嘆曰是且不取可厚誣耶遂以羨餘爲君贖復題其銘旌而去君蚤歲食貧服商賈以供菽水勞苦事率身任之嘗以戶役當給事公府耻不欲爲百計脫去聞御史陳某素號明經擔簦負笈往從之學每讀書一巨幅中以禁出入力學無寒暑間至忘寢食父性嚴厲有過雖冠帶必勇受杖責嘗迎養

官下此歸請爲輸粟以贖仕服轉大理堅欲  
養父命不許乃行處弟怡怡然或忘繩檢必加  
戒諭造燕私器服必以均之視弟之子如已子  
父爲族豪所陵事豪彌謹卒能有所感動與故  
舊厚來索遊者必滿其意與之盡懽而別有父  
卒于漢中去家三原不能歸乃津遣之王端毅  
公甚重此舉謂古人妻舟不是過感里有負官  
錢者爲之假貸以輸雖累債無悔其周人急難  
皆此類家居不以造次廢禮盛暑中未嘗短衣  
單葛退食自公必課諸子學業多至夜參半素



爲余蕭敏所重至易其字以屬望之在仕途守  
直道未嘗干人雖於蕭敏亦無所私謁也君初  
娶周周卒時爲諸生繼趙趙卒時爲舉子繼陳  
尋有宦矣子男五汝舟汝弼周出汝臣汝吉趙  
出汝寔即給舍數有建白洎郭氏女守節者俱  
陳出孫男九通達連遠延遠遴巡邏女四此地  
乃州之萬壽山折而東北爲水碓山之陽卜宅  
于此乃卒之明年十二月之十八日君官五品  
在今制得立碑方趺圓首于墓道故書其家世  
宦業履歷以表之庶後有知君者哉

贈南京大理寺左評事林公墓表

予官留都近年因少司空東湖吳公得識大理  
林君茂貞而君亦若有意於予者遂締道誼之  
交託文字之好比予請老而歸則以其先公墓  
上之石爲言予既諾之矣至是乃按其所自爲  
狀而叙之公諱應字應彬以字行同安翔風齋  
浦山其世所家也曰五秀才曰乞奴其魯大父  
大父也大父生凱明聰明公於凱明爲所生之  
子於聰明爲所後之子少孤廢學及長於書涉  
獵而已然一過即能成誦嘗見人讀官司榜文

苦於難記疲於抄錄公哂之曰使經吾目當爲  
胸中物矣其人以爲大言夸已談授之筆又手  
再閱退而書之不遺一字間謂茂貞吾恨不讀  
書進士易得也蓋公於書惟手披目覽曾未出  
聲讀也每觀史至忠義必三復流涕至奸邪必  
撓卷唾罵精九章算法於祿命尤驗農圃醫  
陰陽地理靡不旁究往者同安之俗以有所懲  
間有習舉業希仕進者必群聚而非之蓋公時  
科目久荒竭力排衆議銳於教子由是鄉人稍  
稍知學居無幾何乃有接武而出者矣公治家

巖子姪至前往往呵責不掩其過故一時多  
失其懽心而後亦無不德之尋常一錢一帛靳  
靳愛惜而於人之困乏必加矜恤田租所入或  
有不足未始取盈焉故公雖有儉名復有惠譽  
弘治壬子海寇作並海之民爲之失業公率衆  
擒其渠魁厥後寇欲報讎乃徙家以避人謂公  
寧爲一邑除害而以一身當之家故饒既而浸  
微至公魯大父欲絕而僅續公克振奮而遂中  
興焉公對客談論援引證據滾滾不竭無一誤  
語平生辛勤憂患蓋集於蓼所謂燕安比臨終

殆未一日有也初娶許氏出之與廟絕繼室鄭氏子男某某希元即茂貞正德丁丑進士南京大理寺左評事深究義理之學洞明當世之務屢進讜言人皆難之女五某某某某其婿也孫男幾人女幾人公生正統乙卯月日卒弘治己未月日越壬子十二月日與繼室合窆于長興里之安嶺後二十二年是爲嘉靖癸未以子貴推恩贈公文林郎南京大理寺左評事贈繼室爲孺人嗚呼始縣人不知學而公作倡以興之既而有海寇而公作

倡以靖之此皆其大者其他群行固有不得而盡書矣表之于此使過而讀之知其爲大有功於鄉人者

教諭樸菴劉先生墓表

樸菴劉先生之葬十二年矣其子邑庠生稷謂廉以書其下棺之石昔韓退之重廬行簡爲親求銘謂爲能子稷其能子哉劉於豐城始考於學前繼著于南庄繼著於曲江曲江以來至先生凡四世在宋元仕不爲顯入國朝亦然曾大父邦達大父貴文父尚寧號毅菴俱以字行

連世養高而毅菴貴雄於鄉以豪爽聞母徐孺  
人生二男二女長諱行字本仁有醇儒之風次  
先生諱祖字本榮長姊配先公尚書贈夫人廢  
母也次姊歸羅湖管公哲庶弟二人本義本恭  
先生以邑庠廩膳生弘治甲寅貢貢至京師  
試吏禮二部試大廷皆中選授上航訓導滿  
九載以績陟陽春教諭上抗亡歎知學啓迪訓  
誨率有條約朝夕其間未嘗或倦自是人才奮  
厲明經得雋遂不乏焉陽春民歎爲士弟子員  
取足異縣教者利其廩餼而縱使之歸先生至

納束在泮日嚴卯酉令專其業自是邑人得之  
觀感章甫縫掖亦不乏焉二省憲臣如劉公丙  
陳公欽皆雅敬先生不以屬僚例待之始至陽  
春以僻陋且年及邸有歸思當道力挽而留之  
居七年乃得致其仕而諸公不能強之矣正德  
癸酉七月二十五日以疾終於正寢其生以宣  
德丙辰二月二日享年七十有八卒之歲十二  
月之三日窆饒坊山之陽祔毅菴兆相去左山  
數十弓徐孺人墓在焉先生配雙城鄒氏順正  
婉孌姍族稱賢男子三和娶平湖胡氏穆娶南



巷熊氏秩邑庠生娶荷塘黃氏爲季父本恭後  
女子二婿東城丁洪岳爵塘李良輔和穆秩丁  
氏女俱先卒繼室楊氏生男子一即稷娶龍霧  
洲胡氏女子一適大井朱乾齡孫男五瀾澮浦  
澈涇女二曾孫男四桐栢杜橋先生長身虬髯  
負雄深有爲之才蘊篤實鎮密之學其屈於擗  
屋不占一第命也局於冷職而再進猶是焉亦  
命也使得其地而施之尚可量乎哉嗚呼毅菴  
之墓先尚書銘之徐僊人之墓廉嘗銘之先生  
之墓廉從子知州致銘之今廉復表之詩不云

予我送舅氏曰至渭陽辭雖不工特著其實以  
繫渭陽之恩而已

贈文林郎監察御史菊亭陶公墓碑

菊亭陶公既卒之十有五年是爲嘉靖甲申

朝廷舉 覃霈之典贈文林郎南京 道監

察御史前配沈繼配陸贈封俱孺人其子御史  
時莊爲予言曰先君嘗應勸分授散秩臨終遺  
命以處士題銘旌表墓道儼等既已遵奉之矣  
今欲改書下棺之碑以彰 國恩願徼惠於執  
事者語畢拜下哽咽予不能辭謹按公諱楷字

文式別號菊亭其先當宋南渡由汴來居嘉興  
秀水之金橋五世菊隱嘗集義勇拒元兵以功  
授將仕郎元滅宋遷雁湖作忠孝堂以示子孫  
俾不忘宋其後歷數世無仕元者將仕魯孫長  
原入國朝以富爲鄉稅長長原生士敬士敬生  
伯鑑爲義民伯鑑生德民爲義官則公之考也  
陶氏自菊隱而下以忠孝聞自伯鑑而下以尚  
義著兼之青紫交映蔚爲雋李巨宗母吳出吳  
塘世族公幼不與群兒嬉凝然如成人年十八  
喪考哀毀送終無違禮事母洎祖母張咸得其

懷心女第之歸奩資甚倍撫育嚴第俾之成家  
極其周氏舉庶母盧氏之父之喪給姜氏兄窮  
之乏鄰里鄉黨有待以舉火者罔不應之至於  
開家塾聘明師儒以經術教諸子益拳拳致力  
焉者平生購奇書蓄名畫甚富或謂王晉卿之  
寶繪初不是過壘石爲假山雜植花木有李文  
饒平泉之趣造樓船雁湖中置筆<sub>床</sub>竈釣具于  
其上有陸魯望甫里之適素無聲色之好而所  
好惟此耳年已及耆有司鄉飲之請卒不能致  
惟與儕輩時爲燕集歡酌有容威儀抑抑先儒

呂氏謂鄉人凡有聚會皆當行鄉飲酒禮公之  
爲此豈不以是禮不獨行於有司而已斯其有  
古意哉公吟詩作文思致雋永真草書得古人  
筆意鄉有文士數輩暇則相與考論商略不但  
已也方將窮晚境之樂忽感異夢俄有白鶴飛  
集于庭乃嘆曰野鳥入室吾殆將去乃卜宅兆  
於邑之伏禮鄉將管歸全等亭未就而卒寔正  
德庚午八月之五日也距其生正統癸亥五月  
十五日春秋六十有八十男六儒儼奉饌備  
女五壻顧山梅喬史臣董深楊景儒徐德

俱生員儼郎御史臣

進士深大學生孫男

八謨諾託誥訥試誼誠孫女十四君長身山立  
狀貌偉然發言處事犁然當乎人心於世故最  
爲諳練郡太守楊公繼宗方嚴難近其剛幾於  
絕物而政事民瘼往往資公予同年姜仁夫惜  
公不用於時又謂公不及見諸子成榮名享封  
錫豈造物者將昌公後而靳於公以今觀之昌  
公之後則信然矣煌煌勅命壙墓有光謂靳  
於公乃如是哉雖然有未艾也詩曰嗟嗟菊隱  
力與天兢戴宋讎元稹堂可證法祖淵明不事

二姓逮至菊亭大明當天胡爲不仕幹蠱亦賢  
臺察之贈賁于重泉伏禮之鄉體鳧是安我預  
作之夫何不可元配殊藏瘞衣其左疇昔之夜  
乃夢何祥玄裳縞衣果窺室堂徵於飛類哲人  
將亡嗟嗟菊亭天脫焉藪山水既耽淵水亦揚  
歸全之營上希易簣豐碑負省載此銘章一世  
何短百世何長不朽者在視于無疆

建寧府推官致仕封禮部儀制司主事滁  
州孫公墓表

予嘗官南太僕其署在滁陽山間得士夫往還

者凡數人孫公尚禮其一也時公遣子存來  
年甫十六七稟賦超異一日千里予甚畏之公  
於諸子中尤屬望焉自後別公十有五年書札  
問訊俱未金玉茲公歿矣寧不爲盡傷也哉公  
諱序尚禮其字別號竹溪晚號雙泉其先和州  
人元萬戶諱仁者來居於滁爲滁始遷之祖萬  
戶生二子長慶即公之曾祖次會從太祖高  
皇帝起兵有功累陞營州前屯衛世襲正千戶  
慶生公之祖和有隱行載在州志和生公之父  
允恭中正統丁卯鄉科教諭嘉魚教授贛州經



術通明毅然以師道自任士出其門多爲鉅人  
顯官配鄧氏子七人公行居二中成化癸卯鄉  
科累屈南省弘治辛酉授建寧府推官以舊無  
理刑廳事乃擇地而創之榜門欽恤榜堂明允  
以見志挾剔淹滯圉圉幾空化啗毒蠹財之俗  
發殺人滅迹之奸有刑有教本末兼舉遇事直  
前應機立斷他如官軍平白水洞之寇公當督  
糗運道甚艱水陸飛輓出人意表事克有濟凡  
其所處徃徃此類公性剛直開口見心聞人有  
過而不規至於匿怨而交斷斷乎不爲也其不

歸於時未老而歸正坐是卦明農以來日與衣  
冠結社如昔人所謂真率會者暮齡頗好郭景  
純蔡神鎮之說豫卜真宅風日清明領客觴咏  
其間以安樂窩名之人服其達謂司空圖不是  
過也歲舉鄉飲輒辭謝不赴近因陳守君揚殷  
勤謀賓且具輿從以迎不得已一副其意自初  
筵至旅語能以筋力爲禮見者嘆服先是公以  
子貴加封禮部主事後以 覃霈恩同子服色  
進金紫云元配李 伊府長史傑之女贈安人  
生子孝孜繼黎滁州衛指揮全之女封安人生

子孟厚二室李氏寶坻縣處士健之女以嫡在  
侍封世子存李馬氏生子孚孝典膳通數學嘗  
受當道聘贊畫軍中先公卒授義官其治公喪  
一依朱子禮存甲戌進士禮部主事轉員外郎  
郎中有大抱負朝廷大禮多所建白由郎中  
轉贛州知府甚有惠愛孟州學生孚年十二亦  
俱習舉子業文之壻義官吳鶴郭原舉人李德  
霖孫男九人宗之守之憲之安之寅之實之賓  
之宜之官之孫女五曾孫男一世美公壽八十  
有九于嘉靖甲申七月十七日將以是年終

自墓安樂窩地在州城北雙澗之原公義方之  
訓甚嚴雖年已艾如孝貴爲大夫如有稍不如  
意即手杖之餘可知已知府奔喪過泰和謁整  
菴尚書羅先生銘墓過豐城謁予表墓嗚呼公  
學得之家庭用世之才雖未盡展其居此官盡  
此職惟知正已不爲詭隨較之庸庸侏祿毀方  
瓦合得車之多者豈直大有徑庭而已哉是宜  
揭之神道以爲世勸焉

澤州知州錢塘質菴陸公墓誌銘

公陸氏諱偉字仲奇別號質菴八世祖金當宋

南渡由汴至杭於錢塘家焉後遂爲錢塘人高祖善甫曾祖某祖某父某連四世皆潛德遠引母王氏出邑名門有家教公生而端凝重厚爲帝子時已毅然自立雖長者不敢有犯年十三郡守孫君選補郡庠弟子員試之作對矢口而成孫君謂此子器宇不凡異日必有聞於時不但以其藝而已自此治戴氏經大肆力於學所爲舉業經義不下數十冊領成化乙酉鄉薦值家中督開門授徒資以爲養二親相繼下世家毀幾滅性既而累試禮部輒報罷久之謁選天

舊時三原王公爲冢宰試公居第一授山西澤  
州知州罹存饑人至相食公奏發內帑沿  
門賑救區畫纖悉不懈晝夜全活以數萬計於  
是人人畫公像而生祀之州多宗室分封和  
買吞併之害其來已久歲時祿米後輸辱及官  
吏率以爲常公至悉裁之以法世家大族鄉曲  
困武斷間左苦陵轍者皆禁不得肆與夫請託  
一切不行因相與街之嫁禍於公嗾宗室誣  
奏數事下三法司勘讞詔使初至惑於浮言幾  
中危法州民無老少填塞街巷稱寃使者繼至

始廉得其實事乃白比去猶慰藉公母以此自  
沮時隣封大同有獄久不決司空才公檄公訊  
之公盡得其狀發擿如神才公驚喜執公手曰  
微子何以折斯獄遂爲忘勢之交澤州有寧山  
衛軍民雜處恒患於弗靖公憚之以威彼此帖  
然總鎮中貴歲有祗候之索所屬爭先取容公  
獨不與既而政通人和視民可役廢可興乃葺  
州治新儒學明道程先生嘗爲晉城令州舊有  
祠公謂先生豈泛然名宦僅僅循吏而已哉遂  
重修其祠至於漏澤園常平諸倉曰路曰橋靡

不舉舉然小民雖甚德公而前之怨家與訛造謗為害未已公乃嘆曰人當自知止是不然必速顛濟乃力懇於當路致其事而歸州民攀留數十里不絕車至不得行多有泣下者公慰諭而還之時弘治辛亥也公歸惟以教誨子孫為務每夜至二鼓方就寢家庭肅然宗族不能婚娶里隣不能殯葬者已雖不給亦汲汲以周之間與鄉之不仕及倦而歸者徜徉于西湖孤山之間更唱迭和而歸田錄傳于時居常最甘淡薄於世味漠如也每謂士當以立志為先以涵



養為要否則大本不立一事不可為矣公性不  
喜酒年至耄耋燈下細字猶能讀之喜吟詩有  
橐藏于家作字不喜行草與卑幼家問亦真楷  
如啓劄蓋其天性嚴整然也嘉靖壬午十二月  
某日疾終于正寢遺言子孫仕者以忠孝報國  
處者以勤儉守家享年八十有九其生則宣德  
甲寅三月某日也先是孝廟覃恩進階奉議  
大夫今上覃恩進階朝列大夫配吳氏都御史  
某之女姪同知某之女兄有賢德多內助先公  
卒子男二鑑清河知縣以公春秋高終養于家

後以子貴封武選郎中尋加四品服色蔭生蚤  
卒女六壻朱激翁文盛主簿夏瑛蔣濬陰陽訓  
術張一原鄉貢進士沈儀孫男一溥由進士今  
任江西布政司左叅議女三魯孫男四曰相曰  
槐其二殤女三前此公配吳氏葬錢塘王岑山  
之陽至是奉公匱而合藏焉則卒之明年 月  
日也叅議公以父郎中公命持同寅右叅議  
謝公廸所為公狀于銘如公者不可以不銘  
銘曰不畏強禦兮剛方有為民雖獲安兮已則  
貼危千仞岡頭兮翩然振衣後欲求公兮視諸

鐫辭

國子監助教封通議大夫南京吏部右侍郎  
郎泰和栗齊羅先生墓誌銘

維羅氏遠有代序系出豫章宋紹興間諱詢主  
泰和簿以官為家居近東北閭地號闕城主簿  
三傳至諱子圭預嘉定解試生子長諱涇甫次  
諱和甫和甫生諱叔大徙上模里之西岡叔大  
生諱君質君質生諱元亨元亨生諱以直號在  
廷卿稱長者是為公之曾祖祖諱寧邑庠生受  
業大學士陳公循稱高第弟子膺志以歿父諱

鐸景泰庚午鄉試中式授黟縣訓導贈南京吏部右侍郎母王氏贈淑人公自幼穎敏有志操隨宦黟庠簾閣據几潛心問學歲丙子父卒于官扶匱歸葬居喪合禮天順乙卯領鄉薦明年會試中乙科以祿仕俛就青田教諭時年二十四毅然以師道自任當科目久乏士鮮知學乃立條範明勸懲日坐明倫堂親為講授夜至齋察其惰勤復擇資之優者特加激厲其後多識何方面計偕亦繩繩焉成化辛卯擢安慶教授其陶冶造就之方一視青田大抵先德行而後

文藝生員吳本清母喪廬墓縣令不以舉公為  
移文有達當路卒得表厥宅里其教有成績尤  
倍於青田矣在兩庠味爽升師席率在府縣坐  
衙之先諸生每竊識之未嘗一日曠也學舍葺  
理多捐俸佐費厥干有司壬寅擢南京國子監  
學正尋宅王淑人憂乙巳復除前職弘治戊申  
考績勅進登仕郎乙卯轉國子助教未幾遂  
上疏乞休年始六十已未封翰林院編修正德  
庚午封通政使司左通政與辰封南京吏部右  
侍郎嘉靖癸未四月十九日以疾終于正寢屬

續前三日猶自舉茶甌以飲或告甌熱即應曰  
知之吾執虛如執盈蓋至臨終無一語錯誤其  
生正統丁巳四月一日春秋八十有七公之青  
田之安慶皆扶持王淑人以行晨昏惟謹奉養  
備至恒以失怙之蚤不勝風木之感移孝於伯  
叔父婚二弟嫁二女弟皆竭力爲之其人舊業  
惟弟所取復新其屋以居之致仕後作祠堂以  
嚴祀先之禮修譜牒以敦收族之義其爲教以  
身不以言言出而人無不敬信之教之所被延  
及平民亦耻非義安慶名宦祠設主生祀之提

學副使劉公鈺御史戴公珊宴公謙皆以賢德  
尊禮在南雍最爲祭酒謝公鐸所知重聘考閩  
中得士最多如尚書林公俊皆是也公道德意  
味雋永深長詩文字畫固皆餘事而亦爲士夫  
所重仕途有芝田稟皖城稟南雍稟萬京稟  
掛冠後有歸田稟東遊稟平生所得孔門親切  
之訓有論語類編爲人嚴毅靜正其志恒在天  
下國家每聞朝廷進一善人行一善政則躍  
然以喜至群奸用事語及輒齟齬感長嘆者久之  
公諱用俊字舜臣別號栗齋晚號西岡退叟配

曾同里名家賢明慈孝交相敬待累贈至淑人  
先公二十九年卒三男二女孟欽順癸丑進士  
及第禮部尚書仲欽德季欽忠己未同科進士  
欽德浙江按察司副使欽忠通政使司通政使  
公家居日三子者皆已擢貴其初輒迎養其後  
更迭在告依依親庭不欲舍去滿門孝義海內  
賢之所謂父子參點於公有焉女之壻楊平蕭  
欽孫男五琰珵珣珤珥俱邑庠生珣國子  
生女五曾孫男四稱某某某公之葬以年  
月 日其墓在天柱岡之原牛叉塘之上曾



淑人原卜栗岡今遷祔于左前此公訃聞于  
朝以京官三品禮諭祭營葬蓋異數云銘曰嗚  
呼先生兮德備厥躬其成人兮乃成已之功豈  
惟肩壽兮諸福攸崇西昌之山兮峩峩西昌之  
水兮溶溶封之若堂兮有此幽宮山夷川竭兮  
歷世無窮

封宜人安福王母顏氏壙誌

驗封郎中王君一卿奔母宜人喪過豐城哀經  
謁予稱其尊人封文選員外郎永樂公之命將  
以年 月 日葬宜人于某鄉某山之陽泣謂

予壻中石其為我書之予於一鄉誼有不容於  
辭者宜人顏氏諱某世家安福之雅坊為邑望  
族父諱廣烈以賢科授教官母姚氏教官某之  
父宜人生而自幼莊重寡言笑六歲母命讀書  
以非女伴不欲入惟間聞女傳中故事  
心記解十歲事紡績厭刺繡華靡長歸員  
外王亦同邑世家蒙岡門地相埒員外考諱  
五夫考諱綱並鄉之聞人遂締二姓之好宜人  
于歸年甫十七時舅遊四方姑再娶者亦歿而  
祖舅姑高年在堂獨任內政事之得其歡心祖

舅姑謂宜人雖孫婦有子道焉雞豚之畜麻豆  
之積井臼之操辛苦治生一山儉勤夫之弟妹  
心策無恃寒而為之衣以衣之嫁而為之斤簪  
助之夫之弟妹咸謂宜人雖兄嫂有母道  
外就學外翁睢寧學舍復遊南都如是者  
一卿挾策夜歸自外館必令暗誦晝所讀  
經書并呈所習何業員外返桑梓見其不廢學  
乃自己其進取之念喜謂宜人雖母道兼父道  
焉其後督責幼子學益學亦然一卿入仕所以  
訓誨而戒飭之者又未嘗不縷縷焉嗚呼宜人

其賢哉生景泰甲戌五月十六日卒嘉靖癸亥  
六月十七日享年七十子男二長學夔即一鄉  
甲戌進士次郎學益舉人女二長適劉閱次適  
進士劉模孫男四世初世載俱邑庠生世參世  
方女二予徃者在宦途識一卿又識一

質夫提學其學行皆重於時予甚敬慕之

昭胤隨先尚書桂林任聞郡學

首列必顏某塲屋中屢中而忌

發解右今知為宜人父也

見宜人之有是父而顏公

楊文恪公文集卷六十二終

楊文恪公文集卷六十二終